

Testament de m(aîtr)e hilaire seigne advocat

Au nom de dieu soit saichent tous presens et advenir que
ce jourduy **dix huictiesme** du mois de **juillet (1610)** apres midy
dans ma maison a villemeur diocese de mo(n)tauban et
seneschaucee de th(ou)l(ouse) soubz le regne de n(ot)re souverain prince
louys tretziesme du nom par la grace de dieu roy de
france et de navarre personnellement estably m(aîtr)e
hilaire seigne advocat au siege de villemeur lequel
graces a dieu bien disposé de sa personne ayant ses bons
sens cognoissans memoire / jugement et parolle
ainsy qu'il a appareu a moy not(air)e et()tesmoings considerant
la mort corporelle luy estre certaine et l()heure d'icelle
incertaine et que tout homme de bien filz de dieu par
la parolle d'icelluy contenue en saintes escritures de
l()ancien et nouveau testament est admoneste de
pourvoir de bonne heure a ses affaires concernant
la disp(osition) des biens que dieu luy a comis a ce que
apres son deces sesditz biens soyent jouis par ceux
ausquelz de droit il appartient sans trouble ny enpeschement
icelluy apres avoir invocqué le saint nom de dieu
et icelluy prié pour et au nom de son tres()cher filz n(ot)re
seigneur jesus christ luy vouloir effacer ses offences
accepter pour satisfaction d'icelles le merite de la mort
et passion de sondit filz et le faire jouir de la felicité
eternelle q(u'i)l espere et croyt par la foy infuze en
son ame par le saint esprit q(u'i)l obtiendra de son plain
gré sans estre seduit ny suborné ainsy q(u') a dit a
faict et ordonné son dernier noncupatif et valable
testament comme s ensuit premierement led(it)
seigne testateur a recomandée son ame a dieu et
ordonné que la separa(ti)on faicte d'icelle d'avec son

.....
Cxxxvi

corps icelluy soit ensepvely dans le cemitiere
de la presente ville scellon l()ordre de la relligion
reformee de()lacquelle il faict profession priant ses
bons parens et amis s y vouloir employer en charité
a declaire et declaire led(it) testateur avoir si devant
donné a **jean seigne filz de philippe seigne son nepveu**
en faveur et contempla(ti)on de **son mariage avec ysabeau**
de custos / la maison a plain limittee et confrontee
en l'**instrument de mariage** sur ce faict et()**retenu par**
esteverin not(air)e le dix huictiesme janvier mil cinq cens
nonante neuf / et que par **au(tr)e contract retenu par doudet**
not(aire) de vill(emur) **le seitziesme jour de may mil six cens troys**

en(tr)e luy et led(it) jean seigne son nepveu vinrent a compte de la somme de quatre cens livres constituee a lad(ite) custos par **arnaud custos** son pere po(u)r son adot comme aussy et pour ung dernier a declairé avoir faict accord et compte final avec led(it) jean seigne son nepveu de tout ce qu'ilz avoient heu a faire ensemble par le passe resultant du **contract retenu** par moy not(aire) **le neufviesme** jo(u)r de **mars mil six cens sept** / a tous lesquelz troys contractz led(it) testateur dit et declaire avoir entierement satisfaitz et en tant qu'est besoing les aprouve veult et que sortent a leur entier / veult et ordonne que led(it) jean seigne son nepveu ce contante du contenu en iceulx et q(u'i)l ne puisse rien plus demander sur ses biens et ses hoirs bas nommes item a dit et declairé led(it) testateur avoir dottee **jeane seignie filhe dud(it) feu philippe son nepveu** lhors de **son mariage avec anthoine banguil** comme appert du contract dudit mariage / et que despuis tant led(it) testateur que susdit gaubil (sic) comme mary de lad(ite) seignie ont vendu a monsieur france certaine pieces et possessions qu'estoient entre eulx comunes dans la parroisse de manianac

.....

de la moitie du prix de laquelle veult lesd(itz) banguil et seignie maries sont contantz par le moyen de certaine vigne et terre q(u'i)lz tiennent au lieu des pieces vendues moyennant quoy led(it) testateur veult que lad(ite) seignie ne puisse rien plus demander sur ses biens et heredité a cesd(its) hoirs bas nommes item donne et legue led(it) testateur a]barthelemye[**catherine barthelemye vefve dud(it) feu philippe seigne** sondit nepveu assavoir est deux hemines de bled et une barrique de vin clair et pur et ce de pention annuelle payable par ses hoirs bas nommes ch(ac)une année le bled comme ilz pourront et auront la comodité et lad(ite) barrique vin en la saison de vendenges et a la canelle et ce tant que lad(ite) barthelemye vivra en ce monde car par le deces d'icelle veult et entend led(it) testateur que lad(ite) pention demeure estainte et amortie / en oultre led(it) testateur prie **guill(aume) seigne son autre nepveu** de continuer le maniemment et administra(ti)on de ses biens enjoignant a sa femme et a ses enfans le respecter honorer servir norrir et entretenir comme est requis et dieu le leur comande avec deffences de né faire chose de [con]sequence qué par le bon conseil et advis d'icelluy et en tous et ch(ac)ungs ses au(tr)es biens meubles et()immeubles noms voix droitz et actions generalmente quelsconques led(it) testateur a faictz et institues ses]universelz[heretiers universelz et generalz et de sa bouche les a nommes et surnommes sçavoir est **jeane bordage francoys, francoize et ysabeau seignes** mere filz et filles fre(re) et soeurs **lad(it) bordage femme dud(it) guill(aume) seigne**

pere desditz enfant et filhes pour desditz biens et heredité
f(air)e et disposer a leur volonte et iceux partager esgallement

quand ilz auront atteint l aage competant
en rappotant ou precomptant par **lad(ite) francoise
seignie** cé que luy a este si devant constitué et donné
pour son adot en faveur et contempla(ti)on de **son mariage
avec michel boudet m(aître) tailleur** dud(it) villemeur et
ce toutesfoix aussy avec subctitu(ti)on reciproque des
ungs aux autres en cas de predeces sans enfans
legitimes ou sans f(air)e testament]eodicille et au(tr)es[
et ce dessus a dit led(it) m(aître) hillaire seigne estre
son dernier et valable testament cassant revocquant
et annullant tous au(tr)es testamens codicilles et au(tr)es
dispositions si point en y a le presant demeurant
en sa force et vertu que led(it) testateur veult q(ue) vailhe
par testament veult q(ue) vailhe par codicille ou au(tre)
disposition et declara(ti)on de sa derniere volonte que mieux
pourra valoir priant et requerant lesd(its) tesmoings bas
nommes par luy recognus et nommes l'un appres l au(tre)
de se souvenir de son presant testament quant besoing sera
(requis en seront et a moy dit not(aire) luy en retenir acte ce
qu'ay faict ez presances de anthoine chartron francois
arnaud / jean riviere marchans m(aître) jacques doudet
praticien anthoine puilaurens fran(çois) vaissier cousturiers
habitans de vill(emur) / bernard demons m(aître) app(oticaire) habitant
de rabastens les toutz soubzsignes avec led(it) testat(eur)
excepte led(it) puilaurens qu'a dit ne scavoir et de
moy

Seigne, testateur A. Chartron, p(rese)nt

F. Arnauld, p(rese)nt Demons

Doudet, p(rese)nt J. Riviere, p(rese)nt

F. Vaissier Pendaries, not(aire)